

四庫全書

集部

欽定四庫全書

文苑英華卷五百五十二 宋 李昉等 編

雙闕門下十二道

司倉拔薤父老送錢判一道

父友操杖諸母漱裳判一道

春日餽獸夏日迎猫判一道

貲次如苴卜得乾坤判一道

社中木鳩朔望扶酒判一道

坐大夫筭喪姊不除判一道

損名馬式直講考經判一道

男加布首縣宰倉漏判一道

私取行馬鸚爵享禰判一道

函人所掌張侯下綱判一道

結交四騎獲豹不賞判一道

被髮禱斗學盤盂書判一道

司倉拔薤判

滑州刺史初臨人掃第以待司倉乃拔家蔬一本水一  
器置於第中刺史入第見之以其饋餉遂與下考司倉  
不伏

父老送錢判

又越州都督更滿將還父老以錢物追送都督各取大  
錢一枚庶使訪知科其贓罪刑部例以為不當

對

王友方

負海名區攸稱越府濱河大郡爰指滑臺旁連射的之

巖俯帶纜舟之浦戶千人萬實俟庶能露冕褰帷是資  
寬惠司倉之置水拔薤方取喻於龐參父老之賫物送  
錢乃報恩於劉寵漢陽服其高義耶溪書以清風取之  
者不以為貪置之者無聞於詭詭不累物難以損名貪  
不汝求詎得而罪饋餉之理與此全乖庶察之行殆將  
謬舉賴秋官審慎弘茲閱實類皆無罪竊謂合宜

父友操杖判

得甲造父友操杖從之友將為謀已命子毆之

諸母漱裳判

又乙脫犢鼻裊命諸母漱之庶弟告違禮

對

凡適於尊必聞操杖欲敬諸母豈可漱裳見父之執雖  
退讓而明禮逢彼之怒遂嫌疑而未防且挂竿之資誠  
為穢服几杖之類克謀長者將害已而今毆此已負人  
取諸衣而見滌亦彰無禮子承父命或迎嚴顏李論昆  
非攸乖禦侮犬未離於飛鳥兩難漏於吞鯨

春日餽獸判

習齒以春日餽獸

夏日迎猫判

姜肱以夏日迎猫

對

高昇

至人御時大禮爰設資貪

疑作含

育以為德立隄防以垂

範三千之儀畢備九歌之序載揚承規理人開物成化

習齒以青陽肇發落韶夏之風景姜肱以朱明始臨欣

畏日之卉木俱尊函丈之業共仰樞衣之軌爰茲餽獸  
未叶於順時復此迎猫有虧於通典事不師古如何兩  
昧學而不脩此焉雙缺適吳蜀以俱廢比臧穀以同年  
雖聖主寬刑唯留一面而愚人惜學自挂三章咎也已  
招法將焉設請從泣辜之筆以懲忝禮之至

賫次如苴判

甲賫次如苴乙強力為甲持錢舉半以遺侯家甲告乙  
盜用錢乙云望依權力人不敢負



卜得坤乾判

又丙之宋卜得坤乾丁告違禁丙不伏

對

貨貨山積行役如流四人別其工商六位占其來往惟  
甲與丙食利遇時等朱公之在陶慕梁生之適越豐其  
家產列次於苴觀彼國風將之乎宋小人窺利冀獲浮  
雲之財君子于行希就隕星之郡既假人而出舉實跂  
予而望之乙寡貞庶欲附其末丙虧典禮誠不足徵異

管仲之處南陽同孔某之去東魯所持雖則減半將存  
故未全賒縱見遺於侯家實無迫於殷道徒資權要空  
遇坤乾據法律而未通在禮經而無禁甲稱盜用頗涉  
盜由丁告差違豈為差謬文飾其過猶掩耳而盜鐘詰  
問其源殊疾行而惡迹乙則有罪丙乃無辜彼按三章  
用肅嚴霜之典此詳五聽須寬顙玉之條狀亦疑既造  
殊途割斷豈宜同罪

社中木鳩判

甲旅食於人飲三爵行見社中木鳩鬪嚴駕而去因告  
主人謀殺

朔望秩酒判

又丙朝朔由供秩酒不如法

對

李 啟

甲常

疑作寄字韓信  
傳常寄食於人

食同韓信之未遇丙朝朔拘孔光

之暮年王者優賢仍存几杖之禮主人愛客遂陳觴酌  
之儀三爵初行未應醉止上樽有關罪即司存既而鳩

闕社中華佗於焉辭去醴酒不設穆生所以言歸非養  
老之恩有虧乃起訟之徵斯驗害人無兆本非謀殺之  
條供秩乖儀須遵闕養之律罪歸酒正請送士師誣告  
主人應科反坐

坐大夫箒判

諫議大夫廖貞坐黜疾用大夫箒

喪姊不除服判

又俞仲喪姊不除服

對

張懷道

位列千官藻火陳輕重之制禮明五服麻經分喪紀之儀苟失其中章程是柰廖貞門承累葉坐登朝散之榮俞仲痛切連枝行招墨綬之問潘仁之遭譴累將復位而無階子路之寡兄弟欲除喪而未忍與其易而寧戚靡越周公之經當其疾而不遑猶卧大夫之簣下烏臺而遽糾如申避馬之威舉丹筆以緩刑似得求羊之術與奪合理法有固於隄防刑罰失中人無措其手足縱

其牀簀不易見譏竹帛之書服制將逾豈累絃歌之化  
言規小過欲寘深文令長臨人未庶幾於蠶蠅鷹鷂逐  
雀亦何問於狐狸聽子興之言

闕

罪不假於

科繩事終期於改正仲之無罪小鮮之責太深貞亦何  
辜大理之折斯當

損名馬式判

損名馬式

直講考經判

又直講請考專經

對

六藝式崇執馭為重九流分派經明可尚執鞭投策先  
古所宗聞道尊儒禮訓攸著凝想彼乙思所出群瞻言  
于丁學優而仕規玉臺之妙式遠求名馬崇金籛之奧  
義載想蹲龍故得權竒之形事光於鎔鑄切磋之道譽  
闡於膠庠紫燕雲飛影弄珂前之雪青衿日就來呈席  
上之珍既而欲騁長途遂得榮參直講且甲之無故或

至損傷丁以有功理宜褒進免科已從寬宥合賞須即  
告知職司既在專經何得更邀他伎判放之筆詎曉通  
途告濫之詞未為高見

男加布首判

得王甲散官八品有男將加布其首筮於堂

縣宰倉漏判

又尹乙掌縣倉漏三所斷徵銅自解職仰正斷

對

魯唐客



王甲迹廁九流榮參散冗尹乙聲高百里任摠絃歌玉  
樹光庭早襲夢熊之慶銅章列位未洽烹鮮之術禮經  
攸設存乎冠昏人天所賴在於倉儲縑布有序三加之  
義式陳禮節其興千箱之積斯在過庭之訓教子未虧  
於義方作宰之規為政殊乖於慎密矧茲卜筮廼撰良  
辰惟彼蓋藏旋聞弊漏於堂則有虧明禮墮職則須按  
常刑稽以三千詳諸五聽乍醜陳其升降深謂合宜龜  
玉毀於積中誰執其咎在禮無失於法有違存以威儀

同仲尼之好禮輒求解職異淵唐諱明之去官加布未爽

於前聞罰銅請依於州斷

私取行馬判

得豎師私取行馬以鬻為主司所擒獲

鸚爵享褊判

又乙弗鸚鷁爵不更享褊以翰音或告禮薄並仰處分

對

邦象錢

行馬申儀事章恒典翰音致享理煥經書為法藉於隄

防設禮光於昭穆暨將入變有異鳳琴之鳴乙制不更  
遂舉鸚杯之禮但關梁禁遏本防內外之姦黍稷染盛  
彌益室家之道私取既無陳請已犯嚴科薄禮即欲告  
言恐傷孟浪主司擒獲誠曰奉公乙弗所違理宜窮詰  
且法不違貴必行之命攸申禮不下庶輕重之端宜審  
竊尋名姓莫辨高卑請更參詳然後科結庶使兩曹義  
獄罷雙璧之堅疑比寺平刑絕百金之奸利

函人所掌判

函人所掌不利欲告鎔範非工

張侯下網判

又丙張侯下網不及地式

對

楊 頤

建侯行師豫順以動弦木羽蒿睽威以作數我軍實昭

彼文章犀兕允著其壽年熊虎

唐諱

方異其班飾則考工

有職梓人不替五等差數三屬分明實戎律之所先誠  
保大之攸急聿宜精其鎔範最彼弛張對夫子之和容

拒養田之微箭且賔人實貫昧我通規函人之仁愆乎  
所掌是以網不及地將和容之未足而或告非工處常  
刑而誰捨聖澤遐湊皇明幽燭射以觀士武以備文中

罕主皮賔有書於揖讓作而不利人無取於能函昔

疑作

晉陽之美既虧矍相之儀何覩請徵非道方寘嚴刑

結交四騎判

南郡玄栖好黃老通德結交四騎所由以為非宜

獲豹不賞判

又捕鳥鼠獲玄豹訴不酬賞

對

乘軺持斧漢家有直指之使鳥獸草木舜典標山澤之  
官考行議能以先清舉選徒校獵自符月令抱甕矯俗  
已見一作是褒升徒搏異物不聞加賞假漢廷之跡猶或  
心勞越周家之雄乃聞手格州科妄罪湏正本條使稱  
違式未詳其事

被髮禱斗判

甲被髮禱于北斗乙告其詛云侯家恐盜

學盤孟書判

又丁學盤孟書庚相為引重後遂舉行其罪或止之甲云以此報德

對

律防姦慝書垂勸誡有犯無赦德懋必彰載以王條藏之金匱使邪妄知禁忠義有憑至如北斗星象東臺秘績匪遇疑庶之所規祈實詞儒之所探練甲被髮以淫

禱丁伏膺以獵精乙摘詛以明辜庚引重以旌譽詰理

則事

一作志

窮討賊原心則情在崇儒證漢代之浮訛荐

彰其蠹習殷時之典訓載穆其方且祝詛星厯刑莫重  
焉銘頌盤盂道亦斯在息夫妄惑其術昔時已滅其身  
李尤刊緝其詞後世亦高其旨曲而不離請標豐於詳

刑婉而且徵

疑作徵

聞舉罪以酬德乙之所訴請寘金科

或人止之恐昧前典



文苑英華卷五百五十二

欽定四庫全書

文苑英華卷五百五十三

宋

李昉等

編

賀登極

代張仁亶賀中宗登極表一首

賀肅宗登極上玄宗表一首

賀登極表八首

賀郊禮

賀拜南郊表二首  
賀饗太廟拜南郊表一首

賀南郊表一首

為郭令公賀南郊大禮表一首

為桂府王中丞賀南郊表一首

賀登極

代張仁亶賀中宗登極表

吳少微

神龍元年

臣仁亶言今月一日春官牒至皇帝陛下去月

按新舊唐書正

月丙午中宗即位時張仁亶知洛州所上表作去月為是類表作五月非也

二十五日光臨

寶極誕告萬方億兆羣生抃舞欣

一作歡

賀

一有微臣罔不幸甚六字

中賀臣聞皇天愛人則有非常之主聖人受命必復先

王之業伏惟皇帝陛下明德動天輯寧國家張乾坤之

重位紹文武之耿光日月再貞正朔惟序百神啓祐九

服咸若

類表  
作熙

天下元元不勝慶戴臣夙仕皇朝被荷恩

化荏苒勤役復遇聖朝

一作  
明

扶

一作  
拈

朽再生慶抃

類表  
作踴

躍之情倍萬恒品臣忝官州域未獲馳賀闕庭

一無此  
十一字

此篇一本作呂溫代鄭相賀登極表其間異同注

為一作呂集亦無此其誤何疑

賀肅宗即位上玄宗表

顏真卿

臣真卿言六月二十七日伏承賊陷潼關駕幸蜀郡李  
光弼郭子儀等正圍博陵郡收兵入土門王師既還百  
姓震恐憂惶危懼若無所歸臣不勝悲憤之深遂遣脚  
力人張雲子間道上表猶恐不達又差招討判官信都

郡武邑縣主簿李詵

集作銳  
下同

相繼間行詵及雲子前後

並到靈武郡奉皇帝七月十二勅伏承陛下命皇太子  
踐祚改元皇帝上陛下尊號曰上皇天帝臣及官吏僧  
道耆壽百姓等蹈舞抃躍不勝感咽其張雲子回皇帝

授臣工部尚書兼御史大夫其李詵回又授臣銀青光祿大夫顧以庸微預叨寵命道路隔絕辭讓無由進退失圖伏增惶懼竊以逆賊安祿山孤負聖恩憑陵寓縣禍盈惡稔尚稽天誅今皇帝撫軍蒼生賈勇豐鎬河洛指期可平伏願陛下垂拱頤神以覩廓清之慶臣官守有限不獲隨例一作到闕庭無任懇款悲戀之至

代崔冀公賀登極表

于公異

臣某言今月五日寅時大理少卿馬炫至未時監軍使

判官奚官局丞程仙望至累承恩命宣慰臣及軍府將吏僧道百姓等半日之間二使連至六辰之內五奉詔書恩旨便蕃顧問稠疊感懼交集兢隕失圖中賀臣聞玄穹降災吉凶常數儲后繼立周漢舊儀伏惟陛下承

類表  
作纂

八葉之重熙叶千齡之廣運以為四海務重不可

以一日而無君九廟禮崇不可以一朝而乏饗是以順先皇三日之詔允羣臣五表之請克遵古訓虔奉國經

俯仰聖情以臨寶位大頒睭

類表  
作新

命再造寰區海內悲

歡天下幸甚臣謬司節制職守方隅不得與萬計連行  
同參盛禮千官並列稱慶闕庭無任抃躍屏營之至

代路尚書賀登極表

王緯

臣某言臣伏聞陛下以某月日虔奉典冊允升寶位凡  
在羣生孰不感慶中賀臣間大人繼明品物皆照聖人  
首出萬國咸寧是以殷宗恭默纘成湯之業漢明聰哲  
繼光武之緒伏惟陛下並離開耀體乾成德神武著乎  
撫軍孝敬形于主鬯洎受遺嗣政正位居體以荷大業



載緝重光布詔號於華裔慰人神於過密此所以溥天之下食土之毛喜抃踊躍而不知其止者臣守職藩鎮不獲稱賀瞻望闕庭無任屏營之至

代鄭尚書賀登極表

令狐楚

臣某言伏承皇帝光膺冊命踐登寶位率土臣子抃慶滋深中賀臣聞天子之孝以纂承為重聖人之寶以傳授為公伏惟皇帝陛下德合乾符道光天宇廓寰區以御厯灑渥澤而飛龍上以代太上之憂勤下以副羣生

之欣戴溥傳天旨大洽人心喜氣騰輝晴雲動色黎元  
率舞將校傳呼即日而萬姓歡康累旬而四海清謐臣  
職當統帥寄重方隅慶賀之誠倍萬常品限以所守不  
獲奔赴闕庭

代孔侍郎蕃中賀順宗登極表 呂 溫

臣某言六月十六

集作四

日入蕃告哀使右

類表作左

金吾將

軍兼御史中丞田景度至吐蕃列館伏承皇帝陛下以  
正月二十六日明德奉天纂臨宸極重光昇耀百化惟

新澤被幽遐慶覃動植中賀臣聞和氣既蒸勺萌具

集作

必類表作且非

達時雨將降柱礎猶知臣從役單車閉留絕域

天臨日照而別處幽陰雷動風行而兀為聾聵伏賴

英華

作願恐非

陛下義敦柔遠禮及窮荒始獲虔奉德音仰需聖

澤具察就列無階蹈詠之初庶物效靈獨在飛沉之後

舛薄鍾命耻玷自躬疚心厚顏罔知攸措今月七日自

列

集作別

館回至河州大夏川即以十二日進發星言夕

惕豈敢遑寧瞻望天

集作闕

庭載深感懼

類表作躍

無任喜抃

屏營之至

賀登極表

柳宗元

臣某言太子中舍嚴公弼至伏奉某月日勅書慰諭伏承陛下以某月日虔奉典冊允昇寶位凡在羣生孰不慶幸臣某誠歡誠抃頓首頓首臣聞天地泰而聖人出雷雨解而品物榮是以五行迭用木火更其位十葉重

光宗廟輔其德殷宗恭默再開

集作開

成湯之業漢文聰

明克承高祖

集作帝

之緒陛下重離出睽體乾繼統主鬯

彰孝恭之美撫軍著神武之功欽承遺訓永保鴻業過  
密之中施雨露以被物遐邇之地覩日月之繼明則四  
維之外八極之表人神胥悅草木皆春煦嫗生成不失  
覆載况臣謬膺守土集作藩守累受國恩爰自出身洎乎領  
鎮沐浴聖澤優游昌時不獲覩闕庭之禮展臣庶之分  
戴天荷聖倍萬恒情

賀登極表

劉禹錫

臣某言伏見詔書正月二十六日皇帝陛下嗣登寶位

萬國同歡日月繼明乾坤交泰中賀伏惟皇帝陛下欽  
承顧命惟懷永圖以大孝奉宗祧以至仁蘇品物洞照  
寰海統和神人聖祚遙集作長從今無極羣生鼓舞自  
此大寧臣限守遐藩恪居官次

代李相賀登極表

王

超

總目  
作起

臣某言臣伏聞陛下式遵典章正位宸極臣聞大明繼  
照雖昧者必昭其視震雷發聲雖聵者必達其聽是以  
聖人鼓萬物而耳目咸革感人心而天下太平致理興

邦率由茲道中賀伏惟陛下紹累聖之鴻緒冠前王之  
盛烈祥符荐委景福攸臻纂武繼文重光累洽自宣猷  
上嗣育德儲闡仁孝表於域中慈儉彰於天下由是餒  
者思食瘠者思豐芻蕘咸耀於光明枯朽更延於惠澤  
颯颯億兆咸沐惟新鼓舞而四表歡心運行而二儀貞  
觀臣夙承朝獎謬列蕃條歡抃之誠倍萬恒品

第二表

臣某言臣聞帝堯之禪虞舜也業歸乎異代漢祖之尊

太上也禮狗乎虛名有棄屣而傳七廟之重斯則堯圖

非遠漢道未全卓

一作倬

哉冠鴻名而超古始者孰若今

之盛也陛下孝至通三上極於君父德均吹萬下被於

生靈大聖所以宣昭庶品由其利見聖作物覩天清地

平故雖冰霰傷和之姿人情慢蔽之物宿陰茲解惡氛

未除無不仰南至而自銷隨東風而盡變坐見可封之

俗更覃無外之恩率

一作植

土之吐俱霑覆育秉靈之內

無不謳吟遐邇歡康昭聳發誓臣謬忝朝列久總藩條



一 賀南郊

賀拜南郊表

王 峻

臣峻言臣聞鴻勳大猷必崇昭饗至德廣運莫先郊禋  
伏惟陛下紹皇開圖纂聖興業舉昭祀之典尊嚴配之

義

類表  
作儀

伏以長至陽升用書雲物玄穹有事祐福無窮

畿嶽會同卉木咸悅臣獨擢甲朔野履冰

一作  
理兵

河外不

獲躬陪玉

一作  
大

輅預奉圓壇屏營塞垣抃躍何已無任

翹翹鳧藻之至

同前

臣某言臣伏承陛下親拜

類表  
作幸

南郊恭禋上帝竭孝誠

於殷薦示彛訓於兆人寰海無虞

類表  
作波

玄穹啓祐百靈

効

類表  
作受

職九服駿奔燔燎洞合於神光日月共禎於瑞

色乾坤交泰動植歡榮臣限以守職在藩不獲趨陪大

禮無任慶躍屏營之至

賀饗太廟拜南郊表

臣某言臣得度支鹽鐵轉運副使戶部侍郎潘孟陽狀

報伏承皇帝陛下以來年正月四日謁玄元宮五日饗  
太廟六日拜南郊制命施行中外慶抃臣某誠歡誠抃  
頓首頓首臣聞四氣首時履端為貴六經重祭報本是  
先伏惟皇帝陛下光啓睿圖纂承寶歷功格宇宙德冠

勲華以建寅之吉辰備用辛之大禮祇事宮類表廟克

作宗

裡烈祖之嚴對越天地聿脩孝孫之敬萬靈從祀以膺

饗與蠻通用四夷率職而駿奔樂奏一作九成神降百福臣

幸逢昌運外守藩條不及侍蒼輅之後塵仰泰壇之盛

典心馳魏闕目極漢儀踴躍海隅倍萬恒品

賀南郊表

令狐楚

臣某言伏奉聖旨以來年正月五日朝獻太清宮饗太廟七日有事於南郊宜令所司準式者敬莫大於朝宗廟嚴莫大於饗郊丘此二帝三王與聖祖神宗之所以總百靈而臨萬國巍乎盛烈也伏惟皇帝陛下光膺大寶茂對上玄盡誠信以奉先極婉愉而致養孝光夷貊悌達神明方將告成功敷顯號惟天為大俾衆庶咸新

如日之昇與品物相見六幽傾耳四海翹首凡在臣下  
不勝慶幸而臣謬貞師律叨守戎藩不得捧豆遺於清  
廟之中執玉帛于泰壇之下仰觀盛禮伏賀鴻休聳踴  
轅門無任戀結屏營之至謹遣某官某奉表陳賀以聞

為郭令公賀南郊大禮表

邵說

臣某言伏承今月二日冊皇太子六日朝獻太清宮七  
日享太廟八日有事于南郊者歛謁宮廟尊崇祖禰展  
郊類表作敬天之禮百神受職弘主鬯之義萬國以貞率土

之濱孰不忻戴臣限以出鎮闕觀盛事

類表作儀

仰白日以

心馳望赤

類表作形

墀而手拊無任歡慶之至

為桂府王珙中丞賀南郊表 令狐楚

臣某言伏奉十一月十日制書南郊大禮畢大赦天下

者湛恩龐鴻大號渙汗際天接地孰不慶幸中賀臣聞

禘嘗之禮所以仁祖禰也郊祀之儀所以尊天地也五

帝之前蕢桴土鼓致其敬敬有餘矣而禮不足三王以

降金罍玉斝備其禮禮有餘矣而敬不

一作未

聞秦之增

封也覬望神仙漢之郊丘也禳除災害雖無文而咸秩

終有廢而莫舉猶可以編在方冊垂其鴻名豈若國家

參文質于六經之中陛下酌損益於百代之後既

文粹作順

昊天承命得黎人之歡心九穀有年四方無事然後

因吉土迎長日咸池屢舞

文粹作奏

太簇登歌萬靈識周旋

之位百神知饗獻之節雲歛

文粹作散

而柴燎高達風清而

蕭薌遠聞信大報之無私亦玄鑒之不昧臣當時集軍

州

文粹作將

官吏僧道百姓等丁寧宣示訖惟天之意莫遺

於細微如日之輝不隔於幽遠頑鈍知感鬼神懷柔何

則

文粹  
作者

刑莫大於成獄陛下捨之罪無輕重恩莫深於

延賞陛下推之澤及存歿行道求志敢於直言者既許

以親覽觸綸罽網屏於

文粹  
作在

遠方者又移之近郊減來

歲之新稅

文粹  
作租

昭其儉也棄七歲

文粹  
作比年

之逋債弘諸

仁也念勲臣而樹勲者益勸尊有德而不德者知慙賜

羸老有粟帛之優禮神祇無牲幣之愛此所謂幽室盡

曉枯條遍春雷雨作而蟄蟲昭蘇疾風

文粹  
風雲

行而窮

文粹



作籠

鳥飛舞率土臣下

文粹作妾

不勝大慶况臣蒙被恩澤獲

齒生類會守遠郡阻窺盛禮徘徊天外日與心斷無任  
抃躍戀結之至謹遣突將王清朝等奉表陳賀以聞

文苑英華卷五百五十三

欽定四庫全書

文苑英華卷五百五十四 宋 李昉等 編

尊號一

朝集使等上尊號表二首

宰相等上尊號表五首

代百官請上尊號表二首

元和南省請上尊號表三首

朝集使等上尊號表 李 嶠

臣某等言臣等聞正覺既隱而苦海橫流象教不興而業風亂起則有至人應運元聖撫期援手而拯其沉淪推心而救其焚蕪四生不慧必將有以宅其緣六度未康必將有以振其緒慈氏越古金輪聖神皇帝陛下業隆四諦德懋三空道成於祇劫之初迹遠於梵天之外而深惻末教俯哀流俗弘善推之畧下濟蒼生屈無上之尊降臨丹宸神功暢於明一至德覃於吹萬三千國土咸登福壽之庭百億天人並出塵勞之境能紹七佛

之鴻業躡三身之正位雖多寶之證明法教出見空虛  
釋迦之愍護凡愚來遊穢濁未足以仰參神變遠婉仁  
慈臣等宿植有因生平多幸聖朝難遇類萸葉之希逢  
法主儻來似曇花之一出屬千齡之大慶欣萬劫之積  
符是用下方謳歌旁稽讖錄攀玉署鵷鴻之議雜金園  
龍象之謀拜手闕庭虔奉徽號叫帝閭而延佇徒罄丹  
誠仰天路而遲回不流玄霈朝野失望衣冠沮色竊惟  
聖人忘己以百姓為心菩薩救時共衆生合體是故屈

伸進退因其志而不違變化感通順其來一作求而不隔

伏乞暫回聖慮俯鑒愚誠弘至公之大道畧鳴謙之小節特命有司免膺殊典使尊名嘉號與法日而俱懸寶筭靈基比恒沙而不極臣等得預陪下列攀奉末光長登正法之筵永樹來生之果豈不幸矣豈不大矣無任誠懇之至謹詣闕固請以聞

同前

蔣欽緒

朝集使魏州刺史臣欽緒等二百四十六人言臣聞三

統稱皇五德號帝道實為大義不可名且以明覆載之  
尊協神人之望稽衆允迪萬邦咸休伏惟陛下道合乾  
坤明並日月敷廣運之德懋昭格之功克塞六合光被  
二儀陛下之聖理也禮展園廟孝感禎祥陛下之神應

一作文  
理非

也經天緯地制禮作樂陛下之文德也柔遠能

邇戡難定亂陛下之武成也殫百王之能事創千古之  
絕禮幽明感慶華裔帥信伯益所謂乃聖乃神乃武乃  
文者也今大號雖稱神武未備聖文臣等忝官州郡幸

因朝集不勝至願望上尊號開元聖文神武皇帝謹於  
朝堂昧死上表

代宰相上

疑作賀

尊號表

崔融

臣某言臣聞形器以陳萬物有名之謂母尊卑既位兩  
儀合德之謂皇非母則不能慈愛域中非皇則不能導  
化天下歷考前政詳窺舊牒金匱玉版帝王之迹易推  
鐵軸銅渾天地之情可驗不知誰子氣母握其靈機厥  
初生人維皇一作皇建啓其光宅然則儀神配永至聖者所

以降天符建極施尊至神者所以塞人望禮存知貴事  
叶強為天命則休應畢臻人心則休應允集不可得而  
避也不可得而違也其唯聖人乎其唯神用乎伏見某  
日制書以天授聖圖羣臣上尊號曰聖母神皇昭備典  
冊肅應景命大赦天下賜酺五日含生之類稟識之儔  
顛顛如欣欣如洎鳥獸率舞與草樹咸樂中謝臣聞以  
凡測聖者理絕於名言以管窺天者事迷於遠近雖帝  
其何力自聞田父之歌而事有不談終獲樵夫之笑亦



安敢梗槩而無述哉粵若稽古聖母神皇陰陽和而獻  
德生日月合而冲靈降其在家也御城氏之瑤臺其正  
位也綰漢皇之玉璽維皇高祖肇創王業惟太宗克成  
帝功惟高宗發揮二聖之耿光惟陛下對越三后之明  
命顯承遺託敬守前基弘濟艱難躬親政事情深社稷  
義切園陵其至公有如此者七月而葬三年免喪乃顧  
明辟載懷高蹈陛下致還君之美德盛於謙尊皇帝竭  
為子之孝一作方誠深於覆育八紘無外六合一家其冲

讓有如此者蒐八代之禮講三王之樂定齊斬之數革  
靡曼之音草章程垂勸誡除指斥之坐議故誤之條百  
官以理萬民以察其制作有如此者慎終追遠因心罔  
極崇七廟廣三雍仁不遺於一物教必行於百姓有虞  
舜大孝之德焉訓甲兵誓將帥南北清晏東西輯睦有  
軒皇戰伐之功焉定都邑殊徽號居三統之政處六合  
之中有周成一作武非隆平之業焉錦繡羅縠彫文刻鏤人  
君之美色也而陛下澣濯之服大帛之衣珍羞圓方滋

味重累人君之甘旨也而陛下藜藿之羹梁糲之飯黃金白玉青珠紫貝人君之驕也而陛下所寶唯賢所重唯穀上林禁苑層臺累榭人君之麗也而陛下宮垣不葺廊宇莫脩置拾遺補闕之官則前疑後丞仰天俯地孰云尚也創通賢招諫之匭則聽聲之鼓告善之旌疇以懿茲夫然後一作不登而高不行而遠天降以瑞地升以符日月光風雨潤慶雲出神泉湧鳳凰翔於庭麒麟臻於囿雲集霧散日至月書固不可得而言也陛下

猶固守冲挹深惟惕厲以玄默為神澹泊為德回聖慮  
運全謨采衢室之舊儀酌明臺之故事因人之欲不日  
而成於是靈命孔彰玄心摠集山開秘篆洛出祥圖每  
纓冕同觀軒墀共謁則有曦車五色對玉匣而如遲雲  
盖三層伴瓊緘而不去豈非顯見神物覺寤黎蒸者歟  
可以昭報昊穹可以對揚宗社明至德表至功陰陽不  
測之謂神應變不窮之謂聖洋洋乎發育萬物蕩蕩乎  
人無能名尊號之來豈徒然而已也聖母神皇乃不得

已而從之命有司膺大禮秩羣望懷百神配諸侯於四

瀆

一作海

視上公於五鎮百姓有臯

一作辜

思與天下滌之

一人有慶思與天下覃之垂動鑰之深恩降合錢之普

澤凡百在宥不知手之舞之足之蹈之者也豈使女媧

神化仍參泰古之皇太姒徽音獨擅隆周之母而已微

臣早霑揚歷亟奉恩榮慙擁腫之曲材荷生成之大德

山濤者渾金之器魏國擢之以尚書伊尹者飾玉之姿

殷朝待之於右相在臣鴛暗遠謝賢明徽逢振拭擢登

左右陛下不以臣不肖復使臣待罪元戎顧無平虜之  
能未答破羌之寄恭聞瑞典載沐鴻私幸屬皇羲之代  
欣承帝魁之美冕旒端拱既不獲接景前行玉帛來朝  
又不獲趨風後位橫行萬里限中國以長城悚踴一隅

望東朝於西域不任悅豫

一作欣悅

翹勤

一作動

之至謹遣某

官奉表稱賀以聞

垂拱四年韋待價以文昌  
右相安息道行軍大總管

宰相等上尊號表

裴光庭

臣光庭等言臣聞惟天為大聖人合其德知微其神至

人契其道德應者天錫其命道尊者帝受其名伏惟陛下克享天心誕承丕命仁育萬類道光四表功業見乎

變禎符

一作符命

應乎時往者國步多艱克清內難皇天眷

祐受命文宗允叶聖謨肇脩人紀不易日月再造乾坤此陛下之神武也若乃欽明上古允恭克讓綴學設教定禮創厯章施五采克諧八音緝熙之教成肅雍之德備此陛下之聖文也若郊祀天地文之經也敬事神祇文之德也柔遠能邇文之化也登封告成文之表也非

大聖則不能合其典謨非至神則不能制其通變故功成者不可不表德至者不可不崇是以百辟顙望三靈乃眷將謂鴻名尚闕大典未敷臣等昧死上尊號為開元聖文武皇帝陛下將以首出千古表正萬邦伏願守神器之至公遺鳴謙之小節徽名不可以深拒大典不可以固違則乃謂韶盡美矣又盡善也凡在含生不勝大慶臣等區區敢以固請

第二表



臣光庭等言臣伏以聖德廣運神功莫大昭升于上敷  
聞在下是用稽古歷考元符敢備鴻名以光帝冊陛下  
烝烝大孝翼翼小心沖讓推誠未允群請臣等愚蔽罔  
知所圖臣聞聖者與天地合其德日月齊其明智無不  
通物無不照其德合其名稱蓋聖人之摠名非王者之  
私受昔周尊后稷推以配天所以美其聖矣及思齊文  
王人樂其德所以稱其聖矣及下武繼文能受其命亦  
稱其聖矣是以列聖相承受天之祐豈直前聖有紀而

後聖無名陛下聖無不通神無不妙克受文命大定武功稽之於古則如彼考之於今則如此豈可鴻名大寶未有所崇蓋天授者不可違人欲者從其願伏乞暫回玄鑒俯察丹誠使文德武功鬱為稱首朝聞其道夕死是甘區區以固請無任悚踴之至

第三表

臣光庭等言臣等竊因輿頌上奉鴻名丹懇備陳玄鑒猶邈是故退省方策進輸真類表誠伏惟陛下少回天

作五

意則海內幸甚臣聞天下者列帝之公器聖號者先王

之至名故業崇則器尊道在則名應理微不假義與無

私今天之祚唐光乎

類表作重光

累聖天則有命聖可無名

今若違而不居請而不

類表作未

允豈所謂畏天命以欲從

人

一作以從人欲

之旨哉伏惟聖以知時神以妙物文經造化

武定邦家書云乃聖乃神乃武乃文光昭帝圖莫斯

類表

作與

為大不稽古之明義豈在今之能名臣等虔率舊章

奉將玄命非敢虛美以答

疑

其詞伏願上察天心下省

人聽使百靈遂望萬古式瞻則朝聞其道夕死無恨臣  
等不勝懇迫之至

代宰相請上尊號第二表 白居易

臣某等言今月二十四日臣等已陳表章請上尊號愚  
誠懇切聖鑒未回踏地跼天不勝大願臣某等誠惶誠  
恐頓首頓首臣聞大道者無求於物物尊而不辭至公  
者非欲其名名生而不讓不讓故與天合德不辭故率  
土歸心斯所謂應乎天

集有  
而字

順乎人者也伏惟皇帝陛

下嗣興一德統牧萬方致時俗於

集作之

和平納生靈於

福

集作富

壽金革已偃銷七十載之厲階

此句一作鋪七百載之鴻基

玉燭方調啓一十年之聖運天人合應書軌混同而鴻

名未加盛典猶缺華夷失望史冊無光此誠君上之謙

然亦臣下之罪也今臣所以上啓

集作稽

天意下酌人情

再躋皇明重陳丹慙臣謹按書曰惟睿作聖

四字集作思作睿睿

作又曰乃聖乃神乃武乃文又經曰明王之以孝理天

下凡此五者歷觀列辟雖甚盛德莫能兼之伏以陛下

自臨大位及茲二年無巾車汗馬之勞而坐平鎮冀無  
凶弓遺鏃之費而立定幽燕仁和一薰蕕驚盡化不可

謂睿文乎削平天下震曜八荒北虜求婚以稟命西戎

乞盟而納款威靈所

集作四

及奔走來賓可不謂神武乎

陛下以萬乘之尊四海之富供養長樂道光化成推而

致

集作置

之可塞天地可不謂孝德乎故臣等敢冒死稽

首上尊號曰睿文神武孝德皇帝伏惟陛下畧撝謙之

小節弘祖宗之大猷惟十二

集作一

聖在天豈忘繼其志

以億兆人為子寧忍阻其心特回宸衷俯受徽號在玄  
功不為主宰於盛德有所形容煥乎大哉垂裕無極此  
實天下之幸集作甚字非獨臣之幸也臣等無任誠願懇禱  
之至

代百官請上尊號第二表 崔融

臣等言一昨仰稽舊章虔上尊號至誠猶鬱冲旨未回  
孤遐邇之心缺神祇之望群臣百辟相顧罔然中謝臣  
聞古先王者祇奉天命遭時為法因事制宜不必相沿

各有所立化而裁之存乎變推而行之存乎通故庖犧  
是生創天下之法則周成既作改人間之制度况煌煌  
大寶穆穆中興至道已邁於胥庭鴻名尚襲於漢代臣  
子之地悚迫不安又謝伏惟陛下紹開聖圖光復丕緒  
繼文之體行湯之政撫綏兆庶清蕩二兇舊物不失常  
收夏衆老更垂涕復見漢官補三皇之缺文緝五帝之  
漏目享太廟祀明堂禁網踈闊凡事簡易道德海浸符  
瑞山承百蠻向風萬人樂業固以萌祗開闢彈壓往初



自可去故而取新何必同條而共貫循季末之常躅忽殊尤之盛儀乎臣等顛顛不勝致懇又謝臣聞天為上帝九名所以示崇高佛為法王十號所以稱具足陛下安得狗小節遺至公推而不居猶以為厚臣等敢昧死謹再拜重上尊號曰應天皇帝伏乞順萬國之歡心答三靈之睠命不違誠請昭備典冊使百代垂景光而作程飛英聲而不朽豈不美歟豈不盛歟臣等幸逢興運夙參朝列累獻非常之祈願奉惟新之慶所冀日回三

舍天移二山愚有不奪期有必遂無任悃款屏營之至  
謹詣朝堂奉表固請以聞

代百官請上尊號第三表

呂溫

臣某等言臣等自管窺天以凡揆聖度奉徽號整陳至  
誠而再降謙光未迴宸睇慙跼一作局罔據彷徨失圖臣

等誠感誠懼頓首頓首臣聞強名曰道莫體混元之功

推大于天

類表作惟  
大則天

豈報生成之德徒以定物視聽示

人津涯俾其會歸有所則象伏惟皇帝陛下克廣睿圖

紹休聖緒順考古訓茂宣重光亭毒以佐天和震曜以

除人害性與道合身為化先神行六幽風

集作威

動九服

求珠赤水觀妙用於無方檢玉名山告成功而有日豈

可過損盛德不昭鴻休棄臣子瀝血之誠阻華夷傾首

之望當仁必受乃曰至公與物無私寧嫌在已安卑者

地山嶽之峻豈慙好謙者天日月之光何讓道貴傳繼

禮從宜稱邦家之舊典不可以廢天人之合應不可以

違臣等謬服官常親承至化一披肝膽二黜宸嚴隕越

為期俯伏俟命

類表作  
以俟

寶望陛下隨時立教以欲從人

游神於不宰之鄉屈已於有名之域潤色大寶發揮皇  
猷古今一時天下幸甚無任懇迫屏營之至謹奉表陳  
請以聞

元和南省請上尊號表

類表

臣聞皇階

類表  
作陛

肇典必本其丕烈明號允屬將御其成

功所以開天地命歷之符合人靈慶感之運臣等輒敢  
上稽天鑒下採人謠以今月十九日瀝懇陳辭冀孚睿

聽九重尊秘萬有顯顯誠未動天心如履薄

類表作未動天心懼

如履薄臣誠惶誠恐頓首頓首伏惟睿聖文武皇帝陛下

一德繼統上符十天六龍時垂下歷羣嶽張寶圖以光

帝載懸玉鏡以澈神靈休明會期則百神宜衛清淨子

物而萬邦式孚今類表無今字夫陰本於刑陽稱其德以刑

而類表作則右武以德而類表作則尚文蓋將導人君無為之初

類表作物定天道有成之始今陛下宣威紀功示人以武也

業古垂統示人以文也纂炎唐十一之盛陋宗周八百

之期序庶徵於域中推賜履於閭外宇宙至廣每驚符

瑞之繁動植殊輕奚答生成之造昔之述夏禹美宣王

雖外軼其聲而中未盡善孰若陛下慮及

類表作深

一物精

入萬樞發揮盛祉啓迪鴻業自彼元和至於茲歲掃群

妖清巨祲率黎崇

類表作元非

之不恪剗節

類表作美

枿之方圖

或身暴都市或首懸藁街天英神斷不疾而速雖堯伏

四罪殷征三年揆之於今彼有慙德固當仰應名實不

陟鴻徽闢乾位於象帝

類表作玄象

之文飭宸耀於稟氣之

類豈可抱冲謙之微

類表作小

事曠祖宗之大猷臣等不勝

由衷大願願上尊號曰元和聖文神武法天應道皇帝  
伏願納天人之貺采臣庶之誠昭示至公允塞羣議無  
任悃迫悽悽之至

第三表

第二表闕

臣聞古先哲王垂衣御極何嘗不取鑒祖則作為盛猷  
伏觀列聖以來必崇明號既以表域中之大亦以示天  
下之公苟或冲讓未行撝謙不發則無以焜煌前烈威

畧外區臣等所以披誠上陳冀垂明聽墨詔批答天心  
尚違臣庶顛顛不知所措臣等誠惶誠恐頓首頓首伏

聞

類表  
作惟

開元天寶之盛也典章大備劔戟已銷表德顯

功累上尊稱蓋天人之符契不得已而從之陛下稟上

聖之姿造中興之運踐臨土宇

類表作  
方夏

虔奉宗祧恢復

兩河廓清四海象天為

類表  
作之

大並日之中丕業巍乎已

成鴻名鬱而未稱臣等所以采前古之議酌當今之詮

類表有  
非字

敢悅懌乎天顏

類表有  
所字

冀光照乎史冊百辟卿



士皆以為宜萬方黎元固不可忽陛下損之於其成

類表

作甚

代之棄

類表

之於泰寧之時尚以河隍未收關隴

設備而欲更施利澤方啓舊章執謙德而彌仰

類表

崇

高議神功而無以彰灼億兆延頸靈祇顧懷率土之人

皆知不可况天地之意祖宗之靈乎臣等命偶昌期職

叨

類表

樞近雖微誠不足以上感而懇願終冀於必從

伏乞深惟訓謨特降宸慮允華夷之至望回日月之殊

輝誕受鴻名光膺大慶紹五帝三皇之絕典光九廟萬

國之丕休人神交感孰不為允無任懇款兢惶之至

第四表

臣仰稽舊章虔上尊號懇誠三瀝冲旨未回朝野顯然

類表  
作若

罔知攸措臣等誠惶誠恐頓首頓首臣聞帝王御

極作人司牧德盛者爰加顯號功高者必建鴻名是用

叶天地之符塞人祇之望榮非為已義實徇公爰在累

聖必從衆欲矧陛下踐寶祚握瑤圖懸日月而照九圍

鼓雷霆而清八極故得吳蜀電滅齊蔡砥平攄祖宗之

宿憤救黎元於焚溺今者威加四海澤浸八荒文軌罔

不同華夷罔不服政刑罔不舉符瑞罔不臻闢

類表作開

再

造之宏規致中興之昌運而典冊

類表作大典

猶鬱徽號未

崇何以副萬國之心何以答三靈之貺臣等謬居樞近

累躋宸嚴望九重之俯從為千載之榮遇雖則祈天之

奏伏蒲而未感所冀回日之誠傾藿而必遂臣等不勝

懇款屏營之至

文苑英華卷五百五十四

欽定四庫全書

文苑英華卷五百五十五 宋 李昉等 編

尊號二

中書門下請上尊號表三首

為文武百官請復尊號表六首

京兆府請復尊號表二首

代京兆府耆老請復尊號表二首

禮部為百官上尊號表二首

中書門下請上尊號第一表 于

邵

建中元年

臣炎等言臣聞自古帝王配天受命必建徽號傳之無窮號者功之表也三五以降皆約所著之功以彰厥德則犧農軒頊之號或質勝文而文勝質悉以一時盛烈而崇號焉伏惟皇帝陛下纘戎立極紹庭應運居域中之大為天下之君聖敬日躋孝理時乂放珍禽竒獸為異方遠物畧嘉禾美瑞俾良史不書洪惟成湯一德率先老氏三寶舞干是務和戎是利惟賢是登惟惡是去

雖夏后卑宮菲食漢文帷囊弋綈與我比崇彼實慙德  
今園陵永閔升祔云畢孝思罔極達于神明克禋克祀  
卜時撰吉載命元子光啓儲君禮無不備道無不洽而  
鴻名未揚典故猶缺將何以告清廟謁聖祖對越神祇  
昭格上下伏乞許臣等上尊號以備大禮有以答乾坤  
之貺有以符億兆之歡臣等才非啓沃職叅近侍遠媿  
賡歌空懷赤實不勝懇願屏營之至謹奉表陳請以聞

第二表

臣炎等言伏以表鴻勳尊明號百王之弘典八聖之嗣烈則可祖述古訓憲章前範上以明帝王無私於已下以表臣子行古之道所以詢於公卿稽彼典常冒昧為請期於必從奉詔還答未蒙聽允阻臣子之協同彰聖人之謙甚當此反側得為安乎臣炎等誠惶誠迫頓首頓首臣聞上覆有名曰天下載有名曰地天地尚著於名位而陛下父母天地端居大寶獨無名乎臣等固知其不可無此况踰年作制履端於始啓迪乾運祇膺天

秩此皆宗社迺瞻元元式瞻其當至公不在謙已伏惟

一作

以陛下首在藩邸親摠六軍屬彼昆夷乘我間豈犯

我都鄙扈鑿與以東幸奮貔虎以旋師一呼而上將雲  
奔傳檄而遠蕃磨至朝廷以正華夏以寧旋表元良迨  
茲臨御顧命之後畏天之威躬履節用勤於宵旰大孝  
感於神明茂功由乎發號友愛日至觀行不忘顧升平

以儉致將徠遠以德服風雨時若妖氛

一作氣

不動夫然

則俗可追於大庭人可納於壽域而欲忽鴻名缺人望



固以自約其可得乎臣等才謝將明力慙匡輔欣逢至道竊荷寵光願回天私獲遂丹悃無任懇迫屏營之至謹奉表陳請以聞

第三表

臣炎等言臣等考古訓酌羣言建大中之道陳徽號之請累表上聞皆抑而未許跼天悚迫屏營失圖臣固以此請者方欲協萬國之歡繫一人之本蓋非私於主而專於已實以荷大賚法上玄尊王之路也伏惟皇帝陛

下以唐堯四德光宅天下以周文直行陟降庭止應乾  
立極迨乎踰年又奉今月甲寅詔將有事於郊廟越翼  
日乙卯復下有司命元子以主器薦珪置幣尊祖配嚴  
屬車將邁明號未布瞻望霄極遐哉邈乎至乃陳一王  
之儀合百神之禮祝告史載則謂之何臣又聞之守文  
纘服繼序不忘遵奉遺烈必思其復惟高祖象雲雷以  
起經綸惟太宗造區夏以創大業惟玄宗倚孤劍以攘  
臂惟肅宗振一旅而討逆惟代宗摠天兵以佐命皆拯

生人之崩角安國家之綴旒德澤洽于上蒼功業冠於  
邃古而皆順人心以敬天命享大名而騰茂實况陛下  
居雍邸將天下奔西戎約北狄此所以彰武功也其在  
望苑則問安視膳春誦夏弦尊師以廣其聰明敬老以  
全其羽翼此所以懿文德也及受顧命反居諒闇勺飲  
不入杖而後起同軌不踰於七月升祔永終于九虞此  
所以昭大孝也克勤于邦日親萬務克儉于用化行四  
海珍禽竒獸不育於國沉珠捐金必受以人此所以返

太素也有一於此則可以發揮鴻休光啓尊號豈可尚  
懷謙損莫顧與能九廟之靈儼思虔告百辟之望終期  
必從陛下必欲固拒羣心輕此盛典則祖宗之前號盡  
為虛美陛下安得而墮之臣愚故知其不可也臣等待  
罪披垣屢陳愚款儻未回天睽將萬請以之無任大願  
悽悽之至謹奉表昧死以聞

為文武百官請復尊號第一表

崔元翰

貞元  
五年

臣等言臣竊觀前代之盛列辟之英咸保鴻名而崇明

號或配其德或昭其功蓋所以揚耿光彰淳懿而示遠

也其有暗然

類表作而

不耀後嗣何觀蔽而不揚羣臣之罪

伏惟皇帝陛下由正統而臨祚承聖緒而受圖稟高明

之姿於天侔博厚之德於地端教化之本制行禮之中

聲震八區威加六合運造化之柄

柳集類表作運玄造之化

靡有不

通成陰陽之功衆莫

類表作信莫柳集作莫之

能測是用光膺聖神

文武之號其後雖逢阨運尋

柳集作今

睹昌期誠我武之掃

清猶自咎而抑損同罪已之義明愛人之仁羣臣等上

順聖心以成恭德而退懷大懼謂掩全功五年于茲若

墜冰谷方今百職皆理庶績其疑人用咸和俗惟丕變

陳師鞠旅無犯塞之虞封疆畫界

柳集作畫界

無專地之

患四海寧謚

柳集類表作一

萬類蕃滋薄刑溢不宥之聲逋賦

蒙勿收之惠西成有穰歲之報南極見壽星之祥靈貺

屢加天恩允答豈宜固

類表作妄

為菲薄以掩盛明尊號之

宗願復如舊况臣等親奉平明之理久蒙覆露之恩耻

德美之不彰憂罪戾之將及伏惟陛下復循舊典俯徇

羣心

柳集作情

誠天地神祇內外臣庶之所望也臣等無任

屏營悃款

柳集類表作懇

之至謹詣朝堂奉表陳請以聞臣誠

勤誠懇頓首頓首謹言

德宗興元元年幸奉天削去徽號貞元五年六年

百僚六表請復舊即此也是時崔元翰為禮部員

外郎歷知制誥唐書稱其詔令溫雅故類表以為

元翰所作而英華誤作常袞按袞建中初卒至是

已十年又柳文收此表或入正集或入外集按宗  
元年譜貞元五年方十七歲八年始貢京師其謬  
誤可知况英華總目明言取之類表其為元翰何

疑

第二表

臣某等言臣等前詣朝堂上表伏願

柳集  
作請

復加尊號奉

被還旨未遂懇誠拳拳顛顛不勝大願臣等伏以崇明  
號昭盛德爰自中古實為上儀以至於我祖宗莫不膺



茲典禮伏惟皇帝陛下有廣運之德弘覆載

柳集作  
照微

之

仁燭幽以明威遠以武惠澤之被誠浹洽于八方英聲  
之揚宜越軼于千古而乃久為抑損以守謙恭事有曠  
而不遵禮有缺而未備臣等又以為不私與已是謂至

德

柳集類  
表作公

有美之而莫敢辭有非之而莫敢隱必推於

物而順於人既以徇於羣心又思叶於中典此皆聖王

柳集  
作人

之事也且夫虛而失實則夸耀而誣質而不華則

朴畧而固而

而字柳集  
作所以

王度資於潤飾帝者務於恢崇

蓋

柳集無  
蓋字

將以法日月之昭明配天地之廣大聳遠人

之觀聽兼前代之軌模然後表其全功謂之盡善不可

以方當陛下臨位羣臣在庭而使鴻名不彰盛典猶闕

既無以光昭衆美又無以丕承舊儀

類表  
作章

則臣等蒙耻

於今獲罪於後實為大懼敢忘盡規尊號之崇願從羣

議伏惟陛下俯回宸睠察納愚誠不惟臣等受恩天下

幸甚無任區區懇迫之至謹昧死重詣朝堂奉表固請

以聞臣等誠懇誠勤頓首頓首謹言

第三表

臣某等言臣等前再上表請加尊號實以功德俱茂典禮宜崇然而不能鋪陳無以動寤愚誠雖竭天鑒未回

臣某等誠懼

類表作惶

誠恐頓首頓首臣某等謹按白虎通

曰號者功之表也神農有教田事之勤燧人有興火食

之利伏羲正五始

白虎通曰伏羲因夫婦正五行始定人道始字疑

祝融續

柳集

作三皇人為之名

以柳集作不非

美其事其後帝王之盛洎

我祖宗之明咸因人心而慎

柳集作順

古道雖損益或異其

於

二字柳集作而

表功明德一也臣等所

柳集類表作是

以遵有國之

令典采上古之遺文察人志

柳集作心

於謳謠觀天意於符

瑞敢以為請累表陳誠曩者運丁艱難時或順動陛下

思成湯之罪已念周宣之側身去微號而不稱垂炯誠

而自儆應天以德示人以恭聞於蠻貊戎夷告于天地

宗廟是故咸知陛下之志慕義而歸仁潛感陛下之誠

垂

柳集作通

靈而助順今者君臣和

柳集作同

德上下叶心百職

畢脩庶官以序法令明具教化流行方內歡康天下寧

壹四人遵業萬類樂生嘉應休徵神物靈貺形于草木  
著于星辰而辭之以仁壽未臻至化猶鬱遂使德誠可

紀名號

類表  
作仍

未崇不告於明神不示於殊俗將何以知

陛下之戡難將何以表陛下之致平下無以威於四方  
上無以報於九廟其不可一也淳古之至化邈而不追

柳集作  
足非

烈祖之盛儀廢而不續其不可二也庶正群官

宗室支屬西土耆老

柳集  
作長

太學諸生黃冠之倫緇衣之

侶萬衆伏闕彌旬織路而乃不從人心以違公議其不

可三也守謙恭卑讓之志忽光大弘遠之圖臣等誠雖至愚以為大謬伏以恒久之德貞夫一也元始之義善之長也并包覆露天之大也清淨玄默道之妙也睿知之周物不可以不稱夫聖也妙算之無方不可以不稱夫神也行仁義脩典法歌詩頌考文章不可以不稱夫文也攘却戎夷戡剪暴逆邊兵以整禁衛以嚴不可以不稱夫武也而合於唐堯乃聖乃神乃武乃文之德臣某等謹稽以乾符叶於古典侔德澤之廣配功業之崇

昧冒萬死伏請上尊號曰貞元大道聖神文武皇帝臣

等竭其

闕

發於交感庶

柳集作無

以回日其能動天無任

屏營悃懇之至謹詣朝堂奉表固請以聞臣誠惶誠恐  
頓首頓首謹言

及大會議戶部尚書班宏又請加奉道字故又改

其文博施不息而萬物以生推功不宰而萬化以

成又合於書之奉若天道之義伏請上尊號曰聖

神文武奉道皇帝

第四表

臣某等言臣等去年九月三度詣闕上表請復上尊號

懇悃雖竭精誠莫通又懼於累塵聖聽

類表作聰

是用中輟

大願未畢羣心靡寧臣某等誠勤誠懇頓首頓首臣等

生逢昌運早列清朝獲睹文明繼迹賢俊

類表作俊又柳集作聖俊

亦嘗考前載於史氏訪遺儀於禮官至於保鴻名尊號

之榮昭茂功盛德之美皆烈祖之垂法為累代之成規

子孫之所宜丕承臣下之所宜崇奉陛下纂聖緒而臨



下尊令典而

柳集作以

制中則亦俯從公卿大夫之請光膺

聖神文武之號間者陛下以禍亂之故特貶損而自儆

以從一時之宜信為恭也今乃欲遂變更而不復以廢

先祖之典則若專焉豈陛下或未之思然臣等實以為

懼雖欲行陛下之志奈先祖之典法何伏惟陛下因子

憂勞深自咎責命祝史告于天地陳主幣祠于祖宗布

于羣臣聞于兆庶固能降開祐之福致感悅之誠咸和

以

闕

心盡瘁而畢力弼成神造康濟艱難寇逆掃除暴

強擾順侯衛奉守屏之職夷狄為來庭之賓兵戎不興

邊鄙

類表作圖

不聳文軌同於四海貢賦脩於九州至若時

侯將憊必維思而內省皇情微軫遂交感而潛通陰陽  
和而風雨時年穀熟而財用足休祥數見福應屢臻此  
皆天地祖宗垂靈錫祉以成陛下之志明無不答不享  
之咎也陛下宜承天意以悅神心增修盛儀再加明號  
宗昭報之禮表恢復之功而辭以仁壽未臻至化猶鬱  
則若尚懷不足以要天地祖宗雖有固讓之勤而非重

請之義且夫號者其來尚矣燧人神農各旌其事湯以

甚武而曰武王迨我祖宗亦

柳集無亦字

崇高

柳集類表作尚

古道

垂著新法陛下獨為辭讓以守謙冲則皇王將有媿於

前祖宗將不悅於後而帝德是非之辨固有所歸國典

異同之文後難以守且陛下本為炯誠以示敬恭誠謙

德也今以先王之道而不敢不法烈祖之訓而不敢不

承又謙德之大也若乃守獨善而遺公議執小讓而忽

宏規違臣庶之心廢祖宗之典乃所以失陛下之恭德

又徒以掩陛下之全功臣等雖誠至愚竊所不取輒敢  
微之國典酌於經義取貞者事之幹元者善之長以配  
聖謨神化之盛文德武功之崇叶紀年之嘉名遵舊號

之美稱以如開元故

類表  
作政

事謹昧冒萬死請上尊號曰

貞元聖神文武皇帝伏惟皇帝陛下沛然回慮俯徇群  
情然後聖德之光昭玄功之茂著後代得揚盛美而鏡  
至清是羣臣之願也不勝懇迫之至謹復奉表詣闕固  
請以聞臣某等誠勤誠懇頓首頓首謹言

第五表

為文武百僚太子少保于頔以下作

臣頔等言臣伏以尊號未復累表陳情伏奉詔旨固守

謙恭臣頔等上援

柳集作授

天地神靈次奉祖宗典法列經

義而順古因

類表作考

人心以從時詞繁而不能陳明誠端

而未蒙察納德美盛而猶蔽憲度缺而莫修罪戾是憂

冰炭交集臣頔等誠惶誠恐頓首頓首臣頔等伏以先

王之道由大中而可久近古之化以彌文而並彰則守

謙而為恭不如立中而垂法表

類表作素

樸而禮畧

柳集作畧禮

不如文明而化光况於文質異時而國家自有制度豈直為一王之法固以通三代之文其於規模信為弘遠

陛下嗣訓先祖貽謀後聖當踐修以纂承

柳集作寧

變更

而廢墜臣等又伏讀詔書曰遐想哲王則自燧人神農殷湯之時有其事也又曰欽若典訓則自代宗肅宗玄宗而上有其儀也又曰所誠者滿所尚者謙守之以誠期於終始臣等以為去鴻名而貶損謙之始也遵舊典而奉承謙之終也造次而未嘗違於禮守之以誠也敬

恭而無或蹈

柳集類  
表作陷

於專所誠者滿也又曰虛美崇飾

所不敢當伏惟皇帝陛下恤人之心動天之德致理之

文教戡難之武功著於頌聲光於史氏上有其實無虛

美之謙

集作  
嫌

下盡其誠非崇飾之偽又曰勉一乃心共

康庶政曩者公卿大夫侍御攜僕或從扞牧圉或備持

戈矛盖有同力之誠而無離德之間今者四嶽羣后九

土庶邦外自藩維內及宗室黃髮者老青衿諸儒或僉

以同辭或遠而抗䟽一心之效也羣材序進百職交脩

烽燧不驚兵戈以息鑽鑿不用獄訟以清六氣和而風  
雨時五穀昌而倉廩實庶政之康也誠由教化以致雍  
熙自當冠於皇王寧復謝於堯禹宜加明號以表成功  
陛下雖以為辭臣等未知其說又伏奉詔旨令臣等斷  
表伏以君親一致臣子一例而春秋之義以王父命辭  
父命柳集無此二字不以父命辭王父命則臣願等得遵先帝  
之典以違陛下之詔謹冒昧萬死伏請復上尊號如前  
不勝惶懼懇迫之至謹復詣朝堂奉表固請以聞臣願



等誠惶誠恐誠勤誠懇頓首頓首謹言

第六表

臣頌等言臣等今月七日所上表昨十五日下詔旨如

初辭讓愈固臣等感謙冲於盛德而私有舊典隳廢之

憂懼煩瀆於聖聽

類表作聰

而內懷微誠懇迫之切進退競

惕不知所措臣頌等誠惶誠恐頓首頓首臣頌等伏以

為

類表無為字

事貴舉其中立

柳集類表無立字

名惡浮於實得其

中不宜變之而失正有其實不必避之以為恭况以祖

宗之矩儀國家之典制陛下道尊教備

柳集作教  
尊道備

德博

化光奚

柳集  
作辭

取於貶損而自卑朴畧而太簡者也昔漢

宣帝謂元帝曰我漢家自有制度諸葛孔明誠其主曰

不宜妄自菲薄前史載之詳矣幸陛下思之臣等又為

執小讓之賢不足以方得禮

柳集  
作宜

合度之善去鴻名之

敬不足以補變法改作之專陛下行之將何所守伏以

高祖受茲

柳集  
作其

明命歷代承以聖德至陛下又有下武

繼文重熙累盛之美不可謂德之不嗣也躬上聖之資

合至神之化戡禍亂制夷狄之武修禮樂垂憲度之文

不可謂實之不孚也比年以來俗化斯厚人少犯法吏

無舞文獄犴將空桎梏

柳集作桎梏

不用可謂人皆遷善豈

曰俗未勝殘若固

柳集作然若

辭之所未悟也况於尊號之

美陛下已受於初去之既

柳集作作即

由於艱虞復之宜因於

康靖若

柳集類表作徒

示其罰不旌其功何以知區宇之削平

何以知宗廟之紹復

柳集作復祀

似非陛下之本意但自欲

改先祖之遺儀耳內外臣庶跋履山川思報主恩誓雪

讐言耻亦欲攄其宿憤表其成勞陛下猶掩鴻名不彰

柳集

作罔窮

其事則此等有如

柳集作如有

未盡不以為歡儻陛下

以自咎責之心尚或未弭則羣臣不能匡輔之罪是亦

柳集類表作亦當

未除將何以蒙陛下之恩私將何以受陛下

之爵賞君猶含垢臣以偷榮羣下之情必深反側又無

以示於萬古無以威於四夷皆非遠圖且乖大體臣等

懷此數者恨恨而不能自安謹冒昧萬死重違詔旨伏

請復上尊號以如前表伏惟皇帝陛下思聿脩無念

柳集

作忝

之言顧屈已從人之義再膺大典俯狗羣心因來月  
謁太清宮太廟郊祀上帝遂以告祠寶臣等之至誠實  
臣等之厚幸不勝惶懼懇迫之至謹復詣朝堂奉表固  
請以聞臣等誠惶誠恐誠勤誠懇頓首頓首謹言

及大會議國子祭酒韓洄請歷數近日徵應祥瑞  
故又改其文如後表

又伏見陛下以今年四月以來方當雩祭之脩而有旱  
備之請纔憊期而未害於物深軫念而將恤其人氣潛

通而交感以和澤旋流而滂霈思遠由是風雨時而霜  
電不降稼穡茂而蝗螟不生農功以成年穀大熟休祥  
數見福應屢臻仁木連理而垂陰嘉禾同穎而挺秀壽  
星舒景炎之盛芝草布葩英之重白麋凝彩而雪暉蒼  
烏取象於天色將徧於郡國相繼於歲時右具如表

京兆府請復尊號表

柳宗元

貞元十  
九年

臣某言某月日諸縣耆老某等若干人詣臣陳狀辭意  
迫切以陛下尊號未復請詣闕上表者人心已鬱安可

久違天意實勤諒難固拒撫狀

英華作伏非

感悅深契微誠

臣某誠懇誠迫頓首頓首伏惟皇帝陛下聖神之功貫

於天地文武之道超乎古今盛德愈大而謙光益深玄

化已成而徽號未復遂使神祇缺望人庶怨思沐浴鴻

澤者敢懷晷刻之安捧戴皇恩者不知寢食之適負愧

懷憤萬方一心日月以冀遂淹星歲况今地不愛寶致

百穀之豐穰天惟降衷呈衆瑞而繁委汙萊瘠鹵之地

混成大田草木蟲

集作鳥

獸之微化為神貺萬靈垂鑒昭

然甚明此而不從臣所大惑矧又兵戎永戢夷狄咸懷

煦

英華作  
照非

然長春樂以終日是以耆老等深感聖育踊

躍不寧上奉天心

集作  
思

跼踖知懼頓顙闕下願復鴻名

不謀而同無期而至此皆上玄幽贊以誘其衷列聖垂

靈以悟其意臣以為陛下當敬于

類表  
作承

斯旨不可忽也

臣又伏以陛下賞功與能舉賢出滯小言不廢片善是

褒豈可使臣子之効雖微而必旌君父之德盡美而無

稱凡在覆載孰不驚惶臣不勝懇到恐懼之至謹封者



老等狀隨表昧死陳請以聞謹言

第二表

臣某等言臣伏以耆老等並發丹誠將貫白日請復徽號以光聖謨臣以其懇款自中不可禁止遂抗表陳請備述微誠伏奉墨詔批荅未蒙允許者衆心尚阻天意未從懇迎逾深兢惶無措臣某中謝伏惟皇帝陛下道大益謙化成彌損雖江海善下每應朝宗之心而日月居高久稱照臨之位况復上承天命下覩人誠若然辭

之理有不可伏以陛下功參造化政體乾坤萬邦宅心  
百靈効職此聖之至也明並兩曜信如四時先天不違  
窮神知化此神之極也道德純被禮樂興行宸翰動於  
三光睿藻窮於六義此文之備也五兵不試七德咸宣  
殊方者知歸負固者率服此武之成也黃龍皓兔甘露  
慶雲神禾嘉瓜祥蓮瑞木萬物暢遂百穀茂滋此天之  
至靈也黎老斑白伏守闕庭鰥寡童幼謠歌道路此人  
之至誠也有其德而無其號拒乎天而違乎人雖陛下

謙讓之至美抑非臣心之所安也伏以賤志難明微誠  
莫達戴天彌懼履地益慙不任懇迫屏營之至伏願早  
建大號以稱天人之心謹再奉表昧死陳請以聞

代京兆府耆老請復尊號表

京兆府長安縣耆老臣石靈等言臣伏以陛下尊號未  
復一十九年盛德彌光大化益被加以休徵咸集福應  
具臻至於今歲紛綸尤盛風雨必順生長以時五稼盡  
登萬方皆稔神意

類表作應

人事正在於斯天不可棄臣等

誠懇誠迫頓首頓首臣聞恩深必報德盛必崇以陛下  
九重之尊推崇無上以陛下四海之大報効何施惟有  
尊名用光聖理闕然未復誰所敢安臣心則微天意甚  
重伏惟皇帝陛下體昊穹以施化虔上帝以致誠今則

集作  
即

萬祥應期百神奉職飛走之物皆已効靈草木之

類咸能應聖天命降於上人誠發於中此而可辭孰云  
有奉况復野多滯穗畝有餘糧足食之慶克溢於京抵  
阜財之謠歡呼於道路盡非人力皆是天成神祇之望

既勤遐邇之心又迫况臣等得生邦甸幸遇盛明身體  
髮膚盡歸於聖育衣服飲食悉自於皇恩被玄化而益  
深望鴻名而未覩懇到之至夙夜不寧謹請光順門昧  
死請復聖神文武之號以副天地宗社之心使海內赤  
子得安其所臣等不勝懇到迫切之至謹奉表以聞

第二表

京兆府長安等縣耆老臣石靈等言伏奉墨批答臣所  
請復尊號未蒙允許者捧對惶遽不知所裁天寶命之

於臣何有臣等誠懇誠懼頓首頓首臣聞聖君以奉天  
為心不以執謙為德以順人為大不以崇讓為優今陛  
下深拒天人之誠猶懷謙讓之道臣等愚惑未知所歸  
且百祥荐臻特表昊穹之睠五穀蕃熟用彰后土之勤  
億兆嗷嗷籲天請命上下交應幽明同心舉而違之臣  
所未識况臣等共被仁育同臻太和陛下德達上玄以  
豐臣之衣食道躋壽域以延臣之歲年沐浴皇風二十  
餘載兒童感化鰥寡知恩故臣等出鄉之時歡呼遍野

間里勉臣以不進不止妻孥誓臣以不遂不歸唯竭血誠退無面目便當殞首闕下終不徒還伏惟陛下照臣懇迫之情哀臣羸老之命臣等不勝嗚咽慚恨之至謹奉表陳請以聞

禮部為百官上尊號表

永貞元年

臣某言伏以聖王之纂承天位也臣子必竭懇誠獻尊號安敢為佞禮在其中一則以告天地神祇二則以奉宗廟社稷三則以安華夏蠻貊巍巍大稱其可廢乎臣

等誠歡誠望頓首頓首伏惟皇帝陛下叶周文之孝德  
齊大禹之約身弘帝堯之法天過殷湯之解網未逾周  
月四海將致於時雍甫及元正率土更欣於再造然而  
神人之願億兆之情有所不安率謂未盡善者以為帝  
德廣運而尊號猶一作獨闕郊廟備禮而祝嘏無詞凡百  
競懷華夷屬望臣謹按昔臯陶之頌舜伊尹之頌湯皆  
臣子至公面揚君父以敷於當代以播於無窮夫豈飾  
哉率由事實帝王尊號蓋漸於此皇家光被四表祖宗



烈文時當太和德崇明號

類表作崇  
號表德

耳目所接簡牘斯

存稽之於前典則如彼考之於聖朝又如此今龜筮習

吉元正戒期當品物惟新之時乃皇上大禮之日陛下

交天地饗宗祧陰陽協和動植交暢不建至尊之稱恐

違列聖之心所以臣等冒責

集作死

陳聞請上尊號伏惟

陛下抑

集作小

謙讓之節安延企之情特詔名儒禮官百

寮庶尹詳明故實議崇聖德則人望允厭神心獲安山

川効靈光贊無疆之壽祝史陳信永彰不朽之功臣等

蒙國寵榮備位班列無任懇望之至

第二表

順宗

臣某等言臣等再陳丹懇請獻鴻名天心未從伏增墮

越

集作墮  
越無措

臣某等誠惶誠恐頓首頓首謹按堯曰咨爾

舜舜曰格爾禹湯曰吾甚武自號曰武王則堯舜禹湯

皆當時王者之號也考帝王之故實徵往聖之憲章允

協禮經煥乎圖牒伏惟皇帝陛下允恭克讓約已謙尊

參天兩地之功為而不有安上理人之德置而不論此

至哉王言非羣下所能仰望也然臣等伏以為尊號所

以類上帝饗祖宗萬人所稱百蠻所仰表聖德於率土

播天聲於無疆臣下請之之謂禮帝王允集作承之之謂

孝孝大於讓禮光集作先於謙百王不刊之典安可得而

廢也臣等又以春秋本於五始元者五氣集作一歲之首春

者四時之首王者受命之首正月者政教之首郊天大

禮者立極之首今天地交泰俯臨元辰正始之美正當

其運陛下確違羣願固守謙冲此臣等所以兢惕失圖

回

集作  
徊

惶無措上冒嚴憲敢逃厚責伏乞俯賜

集作  
垂

天

聽察納微誠特詔禮官議臣所請揆日推策虔奉鴻休

區區懇誠期

集作  
敬

盡於此猶恐天光未照三獻無徵仿

徨闕庭伏待斧鑕無任聳望之至

此卷英華所編失年代先後之序今正之

文苑英華卷五百五十五